

Broj: 08-14-491-6/18

Mostar, 22.03.2018. godine

Na osnovu člana 64. stav (1) tačka b) najniža cijena, 70 stav (1), (2) i (3) Zakona o javnim nabavkama ("Službeni glasnik BiH", broj 39/14), na preporuku Stalne komisije za javne nabavke broj 08-14-491-5/18 od 22.03.2018. godine u postupku javne nabavke goriva za službena motorna vozila – Oznaka i naziv iz JRJN: 09134220-5 – Dizel gorivo (EN 590), ministar Federalnog ministarstva energije, rudarstva i industrije, donosi

ODLUKU

**o izboru najpovoljnijeg ponuđača u postupka nabavke
goriva za službena motorna vozila – Oznaka i naziv iz JRJN: 09134220-5 – Dizel gorivo (EN 590)**

Član 1.

Prihvata se preporuka Stalne komisije za javne nabavke (u daljem tekstu: Komisija), broj 08-14-491-5/18 od 22.03.2018. godine i dodjeljuje se Okvirni sporazum za javnu nabavku goriva za službena motorna vozila – Oznaka i naziv iz JRJN: 09134220-5 – Dizel gorivo (EN 590), ponuđaču HIFA d.o.o. Tešanj, sa sjedištem na adresi Bukva 9, 74 260 Tešanj, a na osnovu ponude broj: P0409/2018 od 16.03.2018. godine, za ponuđenu cijenu od 29.322,00 KM bez PDV-a, kao najbolje ocijenjena ponuda.

Član 2.

Prijedlog Okvirnog sporazuma dostavit će se na potpis izabranom ponuđaču HIFA d.o.o. Tešanj, u roku od 10 dana računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Odsjek za finansijsko - računovodstvene poslove.

Član 4.

Ova odluka objavit će se na web-stranici www.fmeri.gov.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke goriva za službena motorna vozila – Oznaka i naziv iz JRJN: 09134220-5 – Dizel gorivo (EN 590), broj: 08-14-491/18 od 05.03.2018. godine.

Javna nabavka je provedena putem Konkurentskog zahtjeva za dostavu ponuda s ciljem zaključivanja Okvirnog sporazuma na 1 (jednu) godinu.

Procijenjena vrijednost javne nabavke bez PDV-a je 33.300,00 KM.

Obavještenje o nabavci broj 1380-7-1-11-3-4/18 poslano je na objavu dana 08.03.2018. godine. Zahtjev za dostavu ponuda proslijeđen je na adrese 3 (tri) ponuđača istovremeno sa slanjem obavještenja na Portal javnih nabavki.

Dana 22.03.2018. godine, Komisija je federalnom ministru energije, rudarstva i industrije dostavila Zapisnik o pregledu i ocjeni ponuda i Preporuku o izboru najpovoljnijeg ponuđača za nabavku goriva za službena motorna vozila – Oznaka i naziv iz JRJN: 09134220-5 – Dizel gorivo (EN 590).

Komisija je blagovremeno i pravilno izvršila otvaranje ponude i izvršila pregled i ocjenu pristigle ponude, o čemu je sačinila odgovarajuće zapisnike u kojima je utvrđeno sljedeće:

- da su blagovremeno pristigle ukupno tri ponude;
- da nije bilo neblagovremeno zaprimljenih ponuda;
- da je ponuda ponuđača HIFA d.o.o. Tešanj ocijenjena kao najpovoljnija, jer ispunjava uslove za kvalifikaciju propisane tenderskom dokumentacijom;

U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te pregled i ocjenu prispjele ponude, shodno kriteriju najniža cijena.

U postupku ocjene provedenog postupka, federalni ministar energije, rudarstva i industrije nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač HIFA d.o.o. Tešanj izabran primjenjujući kriterij najniže cijene koja je ponuđena u iznosu od 29.322,00 KM bez PDV-a.

Iz navedenih razloga, primjenom člana 64. stav (1) tačka b) najniža cijena Zakona, odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može, radi zaštite svojih prava i pravnih interesa izjaviti žalbu Federalnom ministarstvu energije, rudarstva i industrije u roku od 5 (pet) dana od dana prijema ove odluke.

DOSTAVITI:

- HIFA d.o.o. Tešanj
- ENERGOPETROL d.d. Sarajevo
- PETROL BH OIL COMPANY d.o.o. Sarajevo
- evidencija
- a/a

